

**ՀՀ կրթության և գիտության նախարարությունը կազմակերպում է քննություններ  
ՀՀ ոչ պետական բուհերի շրջանավարտներին պետական նմուշի դիպլոմներ  
տրամադրելու նպատակով**

**Ստորև՝ ՀՀ կրթգիտնախի ծանուցումն այդ կապակցությամբ.**

**Ի գիտություն ՀՀ ոչ պետական բուհերի նախորդ տարիների  
շրջանավարտների**

ՀՀ ոչ պետական բարձրագույն ուսումնական հաստատությունների նախորդ տարիների շրջանավարտների (ներառյալ 2015/2016 ուստարվա) պետական նմուշի դիպլոմ ստանալու համար ամփոփիչ ատեստավորման քննությունների մասնակցելու նպատակով **2016թ. մարտի 10-ից մինչև ապրիլի 15-ը (ներառյալ)** Հայաստանի Հանրապետության կրթության և գիտության նախարարությունում կազմակերպվում է դիմորդների փաստաթղթերի ընդունելություն:

Դիմում-հայտը լրացվում և պահանջվող փաստաթղթերը ներկայացվում է դիմորդի կողմից անձամբ կամ նրա լիազորված անձի կողմից:

Քննական թերթը ստանալու համար (ս/թ. ապրիլի 27-ից մինչև մայիսի 5-ը ընկած ժամանակահատվածում) շրջանավարտը ներկայանում է անձամբ՝ ներկայացնելով անձնագիրը և դիմում-հայտը լրացնելիս տրված ստացականը, որի համար շրջանավարտը ստորագրում է գրանցման մատյանում:

Դիմողները դիմում-հայտի հետ միասին պետք է ներկայացնեն հետևյալ փաստաթղթերը.

- ա) ավարտական փաստաթղթի (դիպլոմի) բնօրինակը՝ պատճենի հետ միասին,
- բ) ներդրի (միջուկի) բնօրինակը՝ պատճենի հետ միասին,
- գ) անձը հաստատող փաստաթղթի (անձնագիր, նույնականացման քարտ, զինգրքույկ, փախստականի վկայական, ՀՀ հատուկ անձնագիր, կացության վկայական) բնօրինակը՝ պատճենի հետ միասին,
- դ) 2 լուսանկար (3x4սմ չափսի):

Ըստ անհրաժեշտության Քննությունների Կազմակերպման և Անցկացման Ընդունող հանձնաժողովի կողմից կարող են պահանջվել նաև լրացուցիչ փաստաթղթեր:

Ըստ մասնագիտությունների (մասնագիտացումների) ամփոփիչ ատեստավորման քննությունները կազմակերպվելու են 2016թ. մայիս-հունիս ամիսների ընթացքում:

Փաստաթղթերն ընդունվելու են ՀՀ կրթության և գիտության նախարարությունում (հասցե՝ 0010, Երևան, Վ. Սարգսյան 3, Կառավարական տուն 2, 3-րդ հարկ, 333 սենյակ)՝ 2016թ. մարտի 10-ից մինչև ապրիլի 15-ը (յուրաքանչյուր օր, բացի շաբաթ և կիրակի օրերից)՝ ժամը 10<sup>00</sup>-16<sup>00</sup> (ընդմիջում՝ 13<sup>00</sup>-14<sup>00</sup>):

Լրացուցիչ տեղեկությունների համար զանգահարել (010) 58-95-26, (010) 52-56-62 հեռախոսահամարներով կամ օգտվել ՀՀ ԿԳ նախարարության կայք-էջից ([www.edu.am](http://www.edu.am)):

**ՀՀ կրթության և գիտության նախարարություն**